

惜分陰軒醫案序

醫者意也意必洞明表裏而後指下無遺案者檔案也當如法家斷獄罪適其分不能誤引條文任意出入況民國以來天氣舛差於上人心思亂於下戊午之春東南地震數省地殷之硫質融熱衝突天空之氣候淡養變更人在氣交中呼吸生息所患之病有逾於蘭臺金匱外者醫能於無方處求方沒藥處求藥非博洽今古貫澈中西不易起危疴於斯須周君小農適予之同社畏友其手治一病得嘉言喻氏遺意能將病狀之原委經過詳詢縷記以備參考非如先哲之醫案編輯多出自後人前後舛誤究竟病愈與否卽問之編者亦莫識真相也周君前刊醫案皆親自手裁案歸翔實今又積案成帙皆近年經驗療治樸實說法信而有徵凡古人哲理今人新學融會胸中咸於臨牀診斷吐露毫端隨症發明之著述也豈若當世之醫派新舊太新舊者太舊徃於偏見界劉鴻溝西華之體質不同歐亞之方宜各別證因紛繁藥拘一例各致圓鑿方惜分陰軒醫案

枘病多枉札乎斯編續出謂爲臨證南鍼也可謂爲溝通新舊慈航也亦無不可漫述鄙言用貢簡端

民國八年一月上浣古夥江村王壽芝識於無錫縣公署

惜分陰軒醫案序

醫雖小道司命係焉至聖引南人無恆之旨其義精矣矧常疾易治奇恙難療苟非研究有素惡能得其奧旨哉予友周君鎮初字小農後號伯華（因與鍼科同名氏復用初字）乃莘農先生之哲嗣也莘農先生古道可風時行方便書印治家格言釋義贈人暨編易簡方集驗方等書行世因君幼時多病憶范文正不爲良相必爲良醫之語於是命師同郡張聿青張公談經演脈循循善誘侍側多年所造深微畢業後就廣益善院義務甬董周禹庭遇有內症重候必引至君案旁雖酷暑嚴寒審症察脈書按立方且例必留稿十餘年貧病受惠不少未幾四明位中亦延之滬北醫會且爲君位置一席矣清季余從薛逸山師游開業後亦同堂贈診得與君朝夕追從獲益良多道義之交金蘭不渝是時端午橋督兩江考試醫科意爲滬上醫士林立必蟬聯其政於是請師擬題與君互相作論預備與試不意無形中止君以所作方論投入醫報而仍精

進不懈已酉夏上海警署聘君爲醫員一時道縣皆耳其名見君才高學博治病多驗均推重之光復後君淡於名利辭職歸里常曰贈診給藥吾臚可備自咎昔之徇外爲人錄驗抄存子亦先已回籍數年知交一旦闊別兩地參商音問漸疏去臘閱君所著惜分陰軒醫案深欽其審病求本無微不至立方切當屢起重症苟能繼續編輯足以啟迪後學自頃世風日新用夷變夏趨功利者漸將五千餘年黃帝遺訓棄置不道良可慨已余謂非舊學之不良實由醫家之不精如醫宗金鑑有青腿牙疳夏子益書有截腸奇方儻能博覽羣書精求實驗豈不有加勝於西醫者乎今君之艱難持恆可以風世長君蓬儒已傳其業惟願專心一志立德立功將來聲宣可滿赤縣並望海內有志中學者觀摩而興起焉是爲序

中華民國八年夏月愚弟鎮海董天吉元龍氏識於團橋杏林書室

達指

惜乃陰軒醫案由紹興醫藥學報社刊入叢書已出二冊均述一己經歷之症
今戊午之臘將盡回溯一載之內治驗重症若干人此吾儕應當自省防冒氏
修身之學也近年診案令兒輩錄存檢閱之下不禁有感焉余自離滬回籍甘
居淡泊前在醫院供職紛繁情景猶昨枉道治人證多不暇自集今則退思補
過診視之餘卽捐管絃列足以省察而徵得失乃夷考簡冊病者就診不無醫
競之心其信任力之堅脆愈否樞紐系之而病則異古所傳錫邑水多土弱患
症溼熱居多卽以伏暑論更較他處爲難治狃於治溼不顧清熱此舊家之故
習鴻烈解云暑氣多天寒氣多壽漢張仲聖每嘆傷寒難治轉近乃屬溫暑矧
兼內傷爲多乎且貧富不同治東璧氏所謂高粱藜藿腸胃天淵洵有得之言
也彼葉吳二氏之治溫退熱存陰他家或以爲非余閱歷所及知其有不盡然
者不兼溼食痰濁素體津血不足則持根本療法孰能愈病若不徇成方而務

求博引易招外訾猶之香巖氏謂徐某方雜而不知其實脫胎於外臺也論雜症之中如腳氣之恙多由濱海卑下脛腫乃成前賢發明釀因最爲的確其致命乃溼毒衝心歐西棄精就粗歸咎米毒不其慎乎馴至病劇易診令舍麥食必詳喻數四始就範圍由其中先入之見也至漫熱似勞症由感冒或脾熱濁溼僞或誤補貽害匪輕與近盛行之桑葉黃症意亦他邑所渺設如傷食氣阻脈道不通隱伏如無臨證之際僞不智珠在握易滋疑訝經云治病必先求其本此類是已局外不察此中難易以爲醫者愈病亦責任所當然耳然醫者神機默運愈卽恕置此治案所以流布於外者少爾今仍師俞桂庭誥王海靈之言診餘錄稿當仁不讓復續前編敝帚自珍知我者當能矜其草創而正之也

中華民國七年戊午臘月 無錫周 鎮小農別署伯華謹識

惜分陰軒醫案卷三

無錫

周

鎮小度述

訓署伯舉

紹興

裘慶元吉生校刊

男 源逢儒參錄

劉長生江陰籍十四齡丁巳清和初旬凜寒厚被覆蓋迨壯熱昏糊仆於牀下扶起肢強而厥口噤至黎明稍蘇則譫語渴飲揚手擲足咳痰不爽脈之濡數不甚顯苔白舌質不甚紅按其腹臍則呼痛是溫邪由衛而內竅中挾痰積故纖毫無汗卽疏提鼓枳實桔梗薄荷滑石通草鬱金菖蒲竹茹竹黃竹葉蘆根枇杷葉至清心一層因有痰滯用製雄精和萬氏牛黃清心丸研服外以梔子仁豆豉皮稻蔥鬚和酒糟打數臍內投剉後神識卽清揚手擲足亦定咳痰已爽大便稍解臍腹猶痛小洩轉紅脈數較顯苔白薄渴飲痰軼氣逆溫邪挾痰積由肺衛而心營猶恐復劇擬提鼓枳桔梗兜鈴連翹薄荷滑石銀花淡芩枇杷葉枳實竹茹竹葉通草蘆根另廣鬱金菖蒲雄精竹黃研末服後得汗得便胸

佈紅疹熱大減各恙均退續清氣營而癒

楊季方丁港其妻向有內熱體虛乏力丁巳七月患伏暑身熱暮熾神糊某醫進香燥灼津遂致壯熱氣升痞出不透延診脈濡數無神舌光少苔是虛人伏暑氣津兩虧擬金石斛北沙參麥冬益元散香青蒿通草連翹黑梔竹葉花粉蘆根服後強起臨臥目瞪口噤脈忽停匿追叫醒復延診脈虛濡更甚痞仍不暢熱亦大衰是虛多邪少之象原方增臺參鬚一味得慶無恙

樂成齋次子八歲戊午正月廿一診時痞未足已回熱經二旬有餘少寐額紅目乾鼻燥口渴咳嗽黃必須以手採取暮則氣逆煩懊不舒鼻不覺暖按腹臍則甚痛澀短而赤便艱不爽耳聾有膿脈數而重按無力舌絳苔有白糜詢知先天不足九月而產平日肝旺或目赤牙痛溫邪夾痰夾積留戀熏蒸熱久傷陰痧勞堪虞宗吳鞠通法肅肺清熱存陰安神兼以化痰瀉下霍石斛北沙參雲茯神丹皮細生地黑梔兒鏡天冬元麥冬瓜子枇杷葉光甜杏仁銀川貝

茅蘆根另以上漚珠製雄精西月石辰砂取末竹瀝梨汁蘿蔔汁溫熱送下二劑得眠願安大便初堅黑後漚氣逆已平痰仍翳黃鼻柱已暖竅仍乾晡後熱尙久則增煖煖餘熱熏蒸五液均乾脈數苔糜尖紅而碎禪體陰氣素虧去臘少雪目赤甚久卽其機倪再存陰退熱清化熱痰而止蒸糜鮮沙參霍石斛鮮乾生地天麥冬元參丹皮瓜瓣知母光甜杏仁枯黃芩花粉玉泉散枇杷葉竹葉茅蘆根另以漚珠川貝製雄精研末仍以竹瀝蘆根梨三汁調服三劑舌糜漸化身熱得暢汗而解廿五改方去枯芩花粉玉泉散加金沸草紫苑肉廿七因便復閉加火麻仁瓜蒌鮮首烏便復解苔糜淨熱清顯紅已斂自潤鼻生涕咳大減痰亦少耳聾聰膜亦止惟裏熱掌灼脈靖轉細舌紅布新苔擬川石斛大麥冬生地鮮首烏丹皮元參百合心花粉鮮枇杷葉火麻仁甜杏仁瓜蒌等漸以向愈

觀滄子乙卯夏月中出外受暑當風而臥遂患形寒身熱無汗咳嗽痰多鼻乾惜分陰軒醫案

卷三

口熱脈數舌紅少苔素體陰液虧伏暑挾表兼症開鬱金香豉黑梔連翹滑石
通草薄荷銀花杏仁荷葉服後仍形寒能著衣汗少覆加香薷蟬衣象貝翌晨
鼻衄甚多汗出形寒減熱漸解咳猶戀是暑熱仍從表出而營分已襲熱矣用
黑梔牛蒡光杏象貝連翹鬱金滑石竹茹知母丹皮淡芩兜鈴竹葉蘆根當汗
出解時食藕甚多鼻熱口灼循退惟咳未清進瓜瓣杏仁黑梔桑皮連翹鬱
金知母兜鈴瓜瓣蟬衣牛蒡蘆根西瓜翠衣愈

任右小瀉丙辰菊秋懷姙已七月大便旬日不行伏熱內蘊而爲紅痢兼白屑
熱漫紅脈細濡舌紅此姙體液虧熱灼積已熏乾非清潤不行疏火麻仁乾蘆
蓉歸身白頭翁黃柏炭白芍烏藥萊菔子查炭北沙參金鈴山梔仁玄明粉香
蓮丸再劑積矢漸解痢由數十次減至六次原方出入而痊追足月生一男
董家麟繡紋直隸爲江蘇水營無錫三區巡官丁巳二月患淋濁自服藥止後
寒熱小腹痛舉丸腫大色紅他醫未應痛楚難制晝夜不安余診脈弦數苔黃

總是肝火溼熱阻塞而爲熱疔恐成囊癰卽疏山梔川棟玄胡橘核海藻昆布黃柏鼠矢葶藶通草薏苡查炭以忍冬藤一兩煎湯代水另當歸龍薈丸先服得汗痛止惟舉丸紅腫未退原方增損囑用鮮地骨生薑皮搗爛絹包外擦漸消此陰虛木火旺挾溼熱之症

都洪穀小洹張作霖之岳圖董福卿之尊甫也丁巳年將及耄緣氣忿而致反胃不食噯噫脘悶便阻洩秘余診脈弦急舌苔白樞機壅塞防其氣厥擬宋半夏川厚朴木蝴蝶香附噤嚙子香椽皮金鈴子老蘇梗玄胡鼠矢從蓉牛膝車前另沈香真狗寶玉樞丹黑丑研末一服大便通反胃止納食能受連服三劑覆診脈弦略緩反胃雖定尙有惡心大便雖通小洩甚少再理鬱氣而開州都用鬱金老蘇梗川朴川棟兩頭尖玄胡義述香附黑梔石菖萊菔子石菖蒲小洩通而不多四肢不暖少腹滯疼恐溺壅上衝速宜宣導以防脹病紫苑滑石玄胡冬葵子金鈴瞿麥扁蓄鼠矢車前子生薏苡楊柳葉另用西血珀蜈蚣蟋借分陰軒醫案

蟀乾研末食遠時服小水大通逐漸饔食其戚以病後欲進參余曲譬止之後數旬自服參鬚樞機復阻嘔泄如霍亂且有身熱余用藿香正氣丸增損爲方復贈三合濟生丸卽愈踰年秋以他疾終

徐左米業癸丑三月患咳嗽痰腥帶血診脈右數舌紅苔白風熱蘊肺不事清散煙酒蘊毒遂成肺癰卽擬桔梗桑皮象貝瓜蒌黑梅冬瓜子薏苡杏仁鬱金葦莖竹茹枯黃芩通草茜草另以鮮鼓草一味搗汁溫服一劑血止痰紅亦稀原方加減咳少痰清而痊

秦冬泉西門外其妻向有肺疾咳嗽自懷妊後略好丁巳午月生男惡露不暢五朝食糯米飯羹砧斤之則大忿迨晚寒熱惡露更少北郭王君用回生丹等不應迨荷夏十一延診脈數苔白視其面瘦咳喘大盛痰輒成碗鼻竅擗動亦爲敗徵審其病因暑熱開窗產時手不停扇暑邪挾風可知少腹曾大痛下瘀不多因氣而血滯亦爲血瘀產後喘盛有自汗防變初擬炒荊芥杏仁蒲黃旋

覆荷葉澤蘭川貝、赭石、鬱金香附烏藥蓬朮、玄胡、五靈脂、另西血珀、加楠香、沒藥、血竭研末服、覆診、瘀略行、喘略減、惟汗猶自洩、前方去荊芥、杏仁、香附、蓬朮、澤蘭、加蛤殼、桂枝、湯炒地骨皮、丹參、兩頭尖、藥末去血、竭沒藥、加猴棗、清其熱、於熱大輕、痰喘驟定、三診、鼻壅氣逆、湧痰均止、腹痛退、尚版滯胸中、不舒、自汗、噴冷、便泄力乏、脈轉虛微、苔濁、化舌淡紅、氣滯不清、元陰大虛矣、擬東洋參、野於朮、冬蟲夏草、桂枝、湯炒地骨皮、白芍、淮小麥、茯苓、神米、炒麥冬、五味子、煨木香、查炭、炒棗仁、杞子等、漸覺脈振、卓汗泄止、力復原而安。

楊寬夫、黃埠墩潤生骨、棧丙辰、菊秋先患、伏暑寒熱稍退、卽食牛肉、邪熱挾積、腹痛攻撐、脹滿便瀉、初延北門張君、用二苓、查麴、萊菔、雞肫、車通、佩蘭、繼謂治積必先行、氣氣通則積自化、用生熟香附、烏藥、鬱金、查麴、腹皮、雞肫、沈香、復加血珀、辰砂、延至蓉月二日、邀余診、滿腹攻撐、食少不運、口渴、溲赤、便瀉不實、寐則神魂不安、肢動手振、腹痛則腹部轟灼、或攻四肢、脈虛弦無力、苔指根、繼詢

知痛時撫按則喜顯非實徵此係伏熱蘊肝脾虛不運溼熱易滯虛實雜呈清
肝運脾爲主金鈴子山梔香櫟於朮扁豆花合歡皮白芍甘草橘白絡炒棗仁
雲苓神防風根珍珠母二劑外用香附萊菔子慈麴食鹽麩皮炒熱布包熨腹
撐大減外裂甚快洩熱穢已輕大便略爽夜寐稍安脈仍虛弦苔糙略潤蘊熱
在厥陰者已輕脾運仍弱復擬於朮木香連皮苓香櫟金鈴山梔仁甘草白芍
香附橘絡扁豆花防風根棗仁資生丸二劑六日三診撐脹已稀便溲亦減然
仍矢氣惟食入呆鈍不消形寒力乏蘊熱已洩肝氣已疏未和夜寐已安略有
恍惚脈象已振苔指已化再消補並行理下陷之中氣於朮芡實茯苓建麴木
香煨葛根白芍烏藥香櫟甜新會皮穀麥芽棗仁扁豆車前荷蒂三帖九日四
診每日便僅一次仍兼溲水納食雖馨尙覺易阻脈微弦而虛易嘔易泄肝旺
見微健脾猶當養肝也野於朮茯苓神橘白慧苡山藥芡實杞子白芍菟絲香
櫟扁豆花雞內金澤瀉五帖十四日五診脈象轉振口味已馨氣滯作嚮便溲

不實多食易滯脾運尙弱用參苓白朮散去甘蓮桔梗加黃精建麴雞內金芡實藜麥芽敷帖飲食照常起居亦健惟腹尙微疼用鴉膽子一味包桂圓肉內服一來復且憂然而止此伏熱在肝挾脾虛滯消之症

徐青雲之戚某女倉浜丁巳四月診熱經半且有汗不解鼻衄神糊耳聾便泄脈數苔黃溫邪由氣而營中挾痰濁擬清氣營之熱透蘊衛之邪如連翹鮮竹葉象川貝銀花茅蘆根鬱金黑梔竹茹竹黃玉泉散通草鮮枇杷葉鮮生地另以萬氏牛黃清心丸加製雄精研細先服一劑熱減遍佈白痞察其色澤少潤復擬滋氣液兼滌餘蘊而愈

朱裁縫河埭口王順之壻丙辰三癘延久轉爲凜熱夜甚盜汗口燥面淡黃無神力之不能工作迨丁巳閏月初旬余診脈左弦數舌淡白近有微欬此邪陷於陰分陰傷則勞損堪虞詢知新婿未久即囑乃岳領女回家俾婿獨睡靜養初擬擬用青蒿地骨白微功勞子絲瓜絡銀柴胡知母竹茹桑枝製料豆續

診盜汗已減熱輕背肢仍羸瘦白澄腳夜癰偏傷肝腎左脈獨呈弦數病機
逗露宜在此着想川石斛北沙參玉竹淮芩女貞旱蓮蠶血炒青蒿白微淮山
藥甜杏仁川萆薢六味地黃丸三診背肢羸熱已減盜汗亦少口尚微燥脈左
已柔此症實驗瘡久傷陰顯然用西洋參石斛首烏製料豆蠶血炒青蒿女貞
旱蓮銀柴胡白微玉竹山藥白芍龜甲淮牛膝六味地黃丸四診背肢羸熱什
僅二三餘症均減詢知素有鼻衄亦陰虛火炎之證當擬丸方令其常服珠兒
參元參生地茯苓丹皮龜甲白芍淮芩石斛二冬山梔知母地骨女貞旱蓮側
柏葉首烏龍骨牡蠣青蒿子牛膝山藥研同阿膠猪脊髓搗丸早晚服口錢
薛桂西城郭丁巳四月中旬因債款無着肝氣橫逆少腹攻痛先服本里許醫
方未應越半月延診脈弦而滯苔白而膩厥氣衝突溲淋而赤前曾嘔吐勢之
鴟張可知今痛在少腹不能按拊是肝火鬱陷於下而氣聚溼阻凝柴胡白芍
山梔仁丹皮金鈴玄胡老蘇梗半夏赤白苓川朴香附兩頭茶路路通另伽楠

香西血珀瓦楞子沒藥研細沖服復診大痛定僅微疼腹可拊腹亦多原方增損而痊

都鳳整係張子昌之甥婿向有損症遺泄內熱趙醫與溫補方有肉桂不退至

丙辰三伏猶服養參^者以致伏暑內熱糾纏不清中秋患熱病始診脈數舌紅苔

少乃陰虛誤服溫補溼熱重之症進清理伏熱之劑如青蒿淡黃芩桑朮知

母黑梔益元散竹茹銀花豉豆衣荷葉蘆根萊菔等轉爲瘧疾勢已輕矣旣而

數發不愈自謂體虛宜截卽服金雞納霜丸截止越數日瘧疾又作又截之三

發三截延至冬令轉爲瘧鼓鄉醫張以腹大足腫復予溫劑如桂枝枳實芍

之類內熱更甚至丁巳春下旬又委余診脈數不靖苔薄白早晨寒熱腹滿

如鼓氣瘳有形瘦少足腫擬清厥陰退熱除脹鱉血炒青蒿銀柴胡白微秦朮

橘絡新絲香附金鈴玄胡金沸草赭石莖朮用冬瓜皮蠶豆皮絲瓜絡煎湯代

水另服小溫中丸五劑脈症相安氣平脹減寒熱亦輕再清肝退熱理氣利水